

# Utusan SAWIT

MPOB Menjana Perubahan Industri Sawit



**Utusan Borneo**  
Citra Generasi Pihatin  
**JUMAAT**  
19 JANUARI 2018

EDISI KHAS

## IMPAC dilantik Badan Peneraju Industri sektor perladangan dan komoditi

Oleh Mohd Solah Deraman & Noor Asmawati Abd Samad  
solah@mpob.gov.my & watie@mpob.gov.my

Konvokesyen IMPAC kali ke-5 Tahun 2017 yang diadakan pada Disember lalu. Pada majlis tersebut, seramai 726 peserta berjaya menamatkan kursus dalam pelbagai bidang kemahiran menerima sijil masing-masing.

Turut hadir adalah Pengerusi IMPAC yang juga Ketua Pengarah MPOB, Datuk Dr Ahmad Kushairi Dindan ketua-ketua pengarah agensi di bawah purata 7,800 peserta melalui pusat latihan di bawah enam agensi setiap tahun dan menjangkakan seramai 78,000 peserta daripada golongan belia akan dapat dilatih menjelang tahun 2020.

“Angka tersebut adalah masih kecil berbanding keperluan ketika ini. Kini terdapat 331,000 tenaga kerja asing daripada 538,000 tenaga kerja yang bekerja dalam sektor perladangan dan komoditi.

Katanya, usaha menggalakkan tenaga kerja tempatan dalam industri ini adalah amat penting bagi memastikan sektor perladangan dan komoditi menyumbang kepada pembangunan ekonomi dan pengurangan kebergantungan kepada pekerja asing.

Beliau berkata demikian semasa majlis Penganugerahan



**DATUK Seri Mah Siew Keong menyaksikan penyerahan watikah lantikan IMPAC sebagai Badan Peneraju Industri bagi latihan sektor perladangan dan komoditi daripada Jabatan Pembangunan Kemahiran.**

Kebangsaan (NOSS).

Selaras dengan saranan Kerajaan, melalui Strategi Lautan Biru Kebangsaan (NBOS), IMPAC akan menjalin kerjasama strategik dengan beberapa agensi pelaksana latihan seperti Kolej Universiti Agrosains Malaysia (UCAM), Kolej Yayasan Pahang (KYP), International Institute of Plantation and Management

(IIPM), The Incorporated Society of Planters (ISP) dan Institut Keusahawanan Negara (INSKEN).

Kerjasama antara agensi kerajaan dan swasta ini sangat penting dalam mengoptimalkan latihan yang dijalankan bagi pembangunan modal insan secara dua hala dalam melahirkan pelatih yang kompeten dalam sektor

perladangan dan komoditi.

Kejayaan yang dikecapi oleh IMPAC pada hari ini tidak terhad kepada bilangan pelatih sahaja tetapi turut dapat dilihat melalui pencapaian pelatih IMPAC di peringkat antarabangsa.

Antaranya adalah melalui kejayaan yang diperolehi oleh pelatih IMPAC melalui MTIB dalam membawa pulang

Medallion for Excellence di pertandingan kemahiran WorldSkills Competition 2017 di Abu Dhabi National Exhibition Centre, United Arab Emirates pada Oktober lalu.

Datuk Seri Mahjugaberharap, dalam mencapai sasaran IMPAC melatih belia tempatan untuk melahirkan pekerja yang berkemahiran dalam industri komoditi, kerjasama dan sokongan daripada pihak industri adalah penting dengan menjadi penaja kepada latihan yang dijalankan oleh IMPAC dan pelatih yang mengikuti latihan boleh diserapkan sebagai pekerja di syarikat berkenaan.

“Ini akan membantu pihak kerajaan dalam mengurangkan kos perbelanjaan latihan yang mana IMPAC akan menjadi ‘training provider’ kepada pihak industri dan belia yang tamat kursus secara terus akan mendapat jaminan pekerjaan. Kerjasama ‘menang-menang’ ini akan membantu menjadikan Malaysia sebuah negara maju dengan pendapatan tinggi,” katanya.

IMPAC ditubuhkan bertujuan menggabung dan menyelaraskan semua kursus dan latihan yang dilaksanakan oleh agensi di bawah Kementerian Perusahaan Perladangan dan Komoditi (MPIC).

Penubuhan IMPAC bertepatan dengan hasrat kerajaan untuk melahirkan tenaga kerja terlatih dalam sektor komoditi yang merupakan salah satu sektor terbesar yang menyumbang kepada pendapatan eksport negara.

Bagi menarik minat belia yang berkecimpung dalam sektor perladangan dan komoditi, penjenamaan IMPAC telah dibuat dengan melancarkan laman sesawang (website) bagi membekalkan aktiviti latihan yang dilaksanakan oleh setiap agensi MPIC dan permohonan mengikuti latihan secara dalam talian.

IMPAC juga mensasarkan untuk menjadi institusi pilihan belia seluruh negara dalam bidang latihan kemahiran di sektor perladangan dan komoditi dan melahirkan tenaga kerja tempatan dan seterusnya dapat memenuhi hasrat kerajaan untuk menjadikan Malaysia sebuah negara maju dengan pendapatan tinggi.

Dalam mencapai sasaran tersebut, generasi muda adalah digalakkan menceburi sektor perladangan dan komoditi yang kini memerlukan sekurang-kurangnya 54,000 tenaga kerja dalam industri berkenaan.



**DATUK Dr. Ahmad Kushairi Din membentangkan mengenai MSPO dalam mesyuarat Jawatankuasa Kerja Perolehan Mampam di Tokyo, Jepun.**

## Olimpik Tokyo 2020 pertimbang MSPO sebagai pensijilan mampam

Oleh Yoong Jun Hao  
jhyoong@mpob.gov.my

TOKYO, JEPUN: Olimpik Tokyo 2020 mempertimbangkan skim Minyak Sawit Mampam Malaysia (MSPO) sebagai pensijilan mampam sebagai memenuhi keperluan mampam dalam penganjuran sukan berprestij itu.

Ketua Pengarah Lembaga Minyak Sawit Malaysia (MPOB), Datuk Dr. Ahmad Kushairi Din dijemput oleh Kerajaan Jepun melalui Jawatankuasa Penganjur Sukan Olimpik dan Paralimpik Tokyo 2020 membentangkan mengenai MSPO untuk dipertimbang sebagai skim kemampaman dalam satu mesyuarat oleh Jawatankuasa Kerja Perolehan Mampam pada Disember 2017, di sini.

Tujuan utama mesyuarat Jawatankuasa Kerja Perolehan Mampam tersebut adalah untuk membincangkan pemilihan skim pensijilan yang sesuai untuk keperluan perolehan mampam di Sukan Olimpik Tokyo 2020.

Ahli-ahli Jawatankuasa Kerja Perolehan Mampam terdiri wakil daripada pelbagai

bidang termasuk Kementerian, akademi, kesatuan pengguna, pihak industri dan organisasi bukan kerajaan Jepun.

Pada tahun 2015, Jawatankuasa Olimpik Antarabangsa telah menetapkan elemen-elemen kemampaman dalam Agenda Olimpik 2020 sebagai salah satu syarat untuk menganjurkan Sukan Olimpik.

Sejajar dengan keputusan itu, Jawatankuasa Penganjur Olimpik Tokyo 2020 telah berikrar untuk menguatkuasakan Agenda Olimpik 2020 tersebut dalam mengendalikannya persediaan Sukan Olimpik Tokyo 2020.

Antara elemen yang disebut termasuklah perolehan makanan, peralatan, produk penjagaan diri dan sebagainya, yang mampan untuk digunakan semasa Olimpik Tokyo 2020.

Kerajaan Jepun mengenal pasti tiga skim pensijilan mampam sawit iaitu MSPO, skim Minyak Sawit Mampam Indonesia (ISPO) dan skim Meja Bulat mengenai Minyak Sawit Mampam (RSPO) untuk pembentangan mengenai skim masing-masing bagi dipertimbang untuk diguna pakai pada Olimpik Tokyo

2020.

Dalam mesyuarat yang dihadiri Datuk Dr. Kushairi, beliau telah membentangkan usaha-usaha Kerajaan Malaysia dalam memastikan perkembangan industri sawit yang mampan sejak tahun 1980-an sebelum wujudnya skim-skim pensijilan mampam pada tahun 2004.

Usaha berterusan ini diperkukuhkan dengan mengguna pakai MSPO pada tahun 2015 yang bertujuan membawa industri sawit, termasuk pekebun kecil ke tahap kemampaman yang lebih tinggi.

Kerajaan Malaysia menerusi Kementerian Perusahaan Perladangan dan Komoditi (MPIC) turut memberi insentif kepada pekebun kecil serta syarikat perladangan bagi memastikan kos pensijilan mampam tidak menjejaskan pendapatan penanam sawit ataupun disalurkan kepada pengguna.

Mesyuarat Jawatankuasa Kerja Perolehan Mampam Tokyo 2020 yang selanjutnya akan diadakan lagi pada tahun 2018 sebelum keputusan terakhir diumumkan oleh pihak Jepun.

## EU diskriminasi biodiesel sawit

Oleh Fadzil Ghazali  
afadzilg@mpob.gov.my

PUTRAJAYA: Langkah mengecualikan biodiesel sawit daripada tenaga diperbaharui oleh Kesatuan Eropah (EU) adalah penindasan bersifat pilih kasih serta langkah ke belakang dalam hubungan perdagangan antara EU dan Malaysia.

Menteri Perusahaan Perladangan dan Komoditi, Datuk Seri Mah Siew Keong, berkata Parlimen EU untuk mengesahkan pengharaman biodiesel sawit di Eropah, di bawah Arahan Tenaga Diperbaharui EU (RED) adalah langkah mundur dalam hubungan dua hala EU dan Malaysia.

Katanya, kerajaan akan mengambil segala tindakan yang perlu untuk melindungi hak 650,000 pekebun kecil dan menjamin masa depan sektor sawit yang telah meningkatkan taraf hidup jutaan rakyat Malaysia dan membebaskan mereka daripada belunggu kemiskinan.

“Selain Jawatankuasa

Industri, Penyelidikan dan Tenaga (ITRE) yang dilaksanakan pada 28 November lalu, saya merujuk kepada undi Jawatankuasa Alam Eropah (ENVI) pada Oktober 2017 yang jelas menunjukkan EU sengaja merancang untuk menyekat import biodiesel sawit.

“Sebarang percubaan untuk membezakan, atau tidak menyenaraikan biodiesel sawit akan memberi kesan negatif kepada kerjasama perdagangan Eropah-Malaysia dan rantau Asia Tenggara dalam konteks yang lebih luas.

“Walau bagaimanapun, ITRE menyokong pula pengeluaran minyak bijian lain yang menjadi saingan kita untuk terus berpayung di bawah RED sedangkan minyak sawit disisihkan,” katanya dalam satu kenyataan.

Datuk Seri Mah menegaskan, kerajaan Malaysia tidak dapat menerima sekatan perdagangan yang bersifat melindungi pihak tertentu, yang bercanggah dengan komitmen EU kepada Pertubuhan Dagangan Dunia



**Datuk Seri Mah Siew Keong**

(WTO).

Katanya, selaku peneraju dalam penghasilan minyak sawit mampan di peringkat global, Malaysia memberi komitmen serius dalam mewajibkan semua pengeluaran minyak sawit negara mematuhi syarat persijilan Minyak Sawit Mampam Malaysia (MSPO).

Katanya, usaha melindungi hutan Malaysia jauh lebih berkesan berbanding kebanyakan negara Eropah. Malaysia diiktiraf sebagai

negara pengeksport biodiesel sawit antara yang termaju di dunia termasuk oleh Pertubuhan Bangsa-Bangsa Bersatu (PBB) dan Bank Dunia.

“Malaysia juga adalah penerima Sijil Kemampaman dan Karbon Antarabangsa daripada Jerman atau German ISCC, sekali gus membuktikan pengeksport Malaysia menepati standard ketat yang ditetapkan pelanggan di Eropah.

“Ini secara tidak langsung membuktikan tindakan Ahli Parlimen EU memperlekehkan minyak sawit Malaysia sebagai perbuatan yang hina dan memperkecilkan diri sendiri kerana cuba menghasut Parlimen EU supaya menolak minyak sawit Malaysia.

“Dalam hal ini, Ketua Setiausaha Kementerian Perusahaan Perladangan dan Komoditi, diberi tanggungjawab untuk memantau perkembangan di Parlimen EU terutama sentimen Ahli Parlimennya, berkaitan minyak sawit Malaysia,” katanya.

## MPOB menang dua anugerah MCY 2017

Oleh Suraya Mohamad  
haz\_suraya@mpob.gov.my

KUALA LUMPUR: Dua teknologi Lembaga Minyak Sawit Malaysia (MPOB) berjaya menerima anugerah sempena Tahun Pengkomersialan Malaysia 2017 (MCY 2017) yang diadakan di sini, baru-baru ini.

Dua teknologi terbabit ialah ‘Palm-based Chicken Feed’ yang diketuai oleh Rohaya Mohamed Halim menerima Anugerah Usaha sama Penyelidikan dan Penerimaan yang membawa pulang hadiah berupa trofi, sijil dan wang tunai berjumlah RM130,000.00, dan teknologi ‘Santan Sawit’ yang diketuai oleh Dr. Zaid Zainal memenangi hadiah sugu hati bagi kategori Anugerah Usahawan Penyelidik yang membawa pulang trofi, sijil dan wang tunai berjumlah RM50,000.00.

Anugerah MCY 2017 merupakan pengiktirafan

dan insentif kepada produk dan teknologi terbaik dan berinovasi tinggi.

Enam kategori dipertandingkan melibatkan nilai hadiah keseluruhan RM1 juta dan dipecahkan kepada beberapa kategori seperti Anugerah Ulung MCY dan lima kategori lain iaitu Anugerah Urusniaga Komersial; Anugerah Penyelidikan dan Pengkongsian Perniagaan; Anugerah Usahawan Penyelidik dan Anugerah Inovator Baharu yang menawarkan hadiah wang tunai masing RM130,000 serta trofi, cek dan sijil penyertaan.

Selain hadiah utama, beberapa hadiah suguhati juga disediakan antaranya Anugerah Usahawan Sosial (RM130,000) dan lima hadiah suguhati dengan setiap satunya bernilai RM50,000.

Penganjuran MCY 2017 bertujuan meningkatkan ekosistem pengkomersialan dengan fokus kepada ‘niche market’ dan penerokaan



**PERDANA Menteri Datuk Seri Mohd Najib Razak menyampaikan hadiah kepada MPOB bagi kategori Anugerah Usahasama Penyelidikan dan Perniagaan sempena MCY 2017.**

pasaran global. Tumpuan khusus kepada teknologi dan penyelidikan yang mempunyai permintaan tinggi daripada masyarakat.

Penganjuran Tahun Pengkomersialan Malaysia (Malaysia Commercialisation

Year) MCY 2017 merupakan inisiatif kerajaan melalui Kementerian Sains, Teknologi dan Inovasi (MOSTI) bertujuan meningkatkan pengkomersialan teknologi yang memberi impak kepada ekonomi negara.

# Misi perkukuh dagangan sawit di Jepun

Oleh Yoong Jun Hao  
jhyoong@mpob.gov.my

**TOKYO, JEPUN:** Menteri Perusahaan Perladangan dan Komoditi, Datuk Seri Mah Siew Keong mengetuai satu misi teknikal dan promosi agrikomoditi ke Tokyo, Jepun pada pertengahan bulan lalu.

Misi ini bagi mengukuhkan eskport produk agrikomoditi termasuk sawit ke Jepun dan meningkatkan jaringan kerjasama dengan pihak berkaitan.

Ketika misi di Tokyo, Siew Keong mengadakan pertemuan dengan 65 peserta membabitkan pengurusan tertinggi syarikat pengimport komoditi terbesar di Jepun, termasuk Pengerusi Nissin Oillio

Group, Takao Imamura; President J-Oil Mills Inc, Fumino Hachiuma dan Timbalan Pengurus Besar Showa Sangyo Co Ltd, Daisuke Ito.

Ketiga-tiga syarikat ini adalah pengimport minyak dan lemak terbesar dengan lebih daripada 80 peratus syer dalam pasaran Jepun.

Pertemuan ini bukan sahaja meningkatkan jaringan kerjasama dengan pihak tertentu di Jepun, malah menggalakkan import minyak sawit dan agrikomoditi Malaysia oleh syarikat Jepun.

Selain itu, Siew Keong dan delegasi turut mengadakan lawatan teknikal ke Nisshin Oillio Group dan Kao Corporation bagi membincangkan



**SIEW Keong ketika pertemuan dengan pengurusan Nisshin Oillio bagi membincangkan peluang kerjasama untuk meningkatkan eskport minyak sawit Malaysia ke Jepun.**

peluang kerjasama untuk meningkatkan perdagangan dan pelaburan antara industri sawit Malaysia dan syarikat pengguna sawit berkenaan. Antaranya peningkatan sokongan dan pengimportan minyak sawit Malaysia serta peluang pelaburan dalam sektor hiliran sawit, seperti pengeluaran tokotrienol (vitamin E) sawit di Malaysia.

Yang turut serta dalam lawatan teknikal berkenaan ialah Ketua Pengarah Lembaga Minyak Sawit Malaysia (MPOB), Datuk Dr. Ahmad Kushairi Din;

Ketua Pengarah Lembaga Getah Malaysia (LGM), Dr. Zairossani Mohd Nor; Ketua Pengarah Lembaga Perindustrian Kayu Malaysia (MTIB), Datuk

Dr. Jalaluddin Harun; Ketua Pegawai Eksekutif Majlis Minyak Sawit Malaysia (MPOC), Dr. Kalyana Sundram; Pengerusi Majlis Pensijilan Minyak Sawit Malaysia (MPOCC), Datuk M. Nagarajan; Ketua Pegawai Eksekutif Majlis Promosi Eksport Getah Malaysia (MREPC), Low Yoke Kiew; Timbalan Ketua Pegawai Eksekutif Majlis Perikanan Malaysia (MTC), Richard Yu Tuan Chong dan Timbalan Ketua Misi Kedutaan Malaysia di Jepun, Azri Mat Yacob.

Pada tahun 2016, Malaysia merupakan pengeksport minyak sawit terbesar ke Jepun berjumlah lebih 456,000 tan (72 peratus) diikuti Indonesia (28 peratus).



**DATUK K. Yogeessvaran bersama pemenang Anugerah Medal Emas Penyelidikan MPOB majlis Malam Kecemerlangan MPOB 2017.**

## MPOB, POMA pertingkat kemampuan kilang sawit

Oleh Wan Hasamudin Wan Hassan & Hasliyanti Alias  
wanhaswh@mpob.gov.my & hasliyanti@mpob.gov.my

**BANGI:** Lembaga Minyak Sawit Malaysia (MPOB) mengadakan sesi interaksi dengan Gabungan Persatuan-Persatuan Pengilang Kelapa Sawit (POMA) bertempat di Ibu pejabat MPOB, di sini baru-baru ini.

Sesi dialog ini diadakan bertujuan berinteraksi dengan sektor pengilangan sawit bagi membantu MPOB merangka dan melaksanakan program penyelidikan dan pembangunan (R&D) yang seiring dengan keperluan industri serta memenuhi piawaian dan peraturan yang ditetapkan Kerajaan.

Seramai 83 peserta menghadiri dialog berkenaan, termasuk 50 ahli POMA yang mewakili Wilayah Utara, Tengah dan Selatan Semenanjung Malaysia; diketuai oleh Presidennya, Khoo Chee Hong.

Dialog ini menerima sambutan yang memberangsangkan daripada POMA kerana banyak perkara berkaitan isu alam sekitar dibincangkan dan diperhalusi bagi mematuhi piawaian dan peraturan alam sekitar.

Sesi dialog yang dipengerusikan oleh Pengerusi MPOB, Datuk Seri Ahmad Hamzah turut dihadiri Ketua Pengarah MPOB, Datuk Dr Ahmad Kushairi Din.

Datuk Seri Ahmad Hamzah yang mengulangi kehadiran peserta dialog berkata, program interaksi secara berterusan antara MPOB dengan pihak industri sawit adalah penting dan bertepatan dengan keperluan semasa terutama ketika industri menghadapi pelbagai cabaran termasuk kempen anti sawit di peringkat antarabangsa.

Katanya, sebagai salah satu langkah untuk membantu pekebun kecil sawit mendapatkan pensijilan Minyak Sawit Mampam Malaysia (MSPO), MPOB telah melaksanakan Kelompok Sawit Mampam (Sustainable Palm Oil Cluster; SPOC).

"Melalui konsep ini pekebun kecil digabungkan dalam bentuk koperasi yang mana koperasi membeli bahan-bahan segar (BTS) daripada pekebun kecil dan menjualnya kepada kilang sawit.

"Pendekatan ini dapat memastikan sistem pengumpulan BTS yang berkualiti dapat dibekalkan kepada kilang sawit, selain

mempermudahkan usaha pensijilan ke atas koperasi pekebun kecil.

Pihak POMA kali ini mengemukakan enam isu utama yang sebahagian besarnya melibatkan aspek alam sekitar seperti pencemaran amonia ke dalam sungai; had pelepasan effluen sawit dan pelepasan habuk ke udara yang bakal dikuatkuasakan oleh Jabatan Alam Sekitar (JAS).

Datuk Dr. Kushairi berkata, JAS memaklumkan peraturan baharu yang diwartakan terhadap industri sawit untuk menjaga kesejahteraan alam sekitar negara, selain mewujudkan ekosistem rantaian bekalan produk sawit yang sihat dan lestari.

Majlis dialog diakhiri dengan saranan Datuk Seri Ahmad Hamzah agar semua agensi yang terlibat bekerjasama dengan MPOB mencari jalan penyelesaian secara bersama dan harmoni terutama yang berkaitan dengan isu alam sekitar.

Kerjasama ini bertujuan menjamin industri sawit terus berkembang maju secara sihat dan mampan serta berdaya saing di persada antarabangsa di samping memenuhi kehendak pasaran semasa.



**DATUK Seri Ahmad Hamzah ketika mempengerusikan dialog MPOB, POMA.**

## Industri sawit perlu kekal relevan

Oleh Noor Asmawati Abd Samad  
watie@mpob.gov.my

**BANGI:** Industri sawit negara digesa bergerak seiring perkembangan global sejajar kemajuan ekonomi dan teknologi yang bergerak pantas merentasi sempadan dunia untuk terus kekal relevan.

Menteri Perusahaan Perladangan dan Komoditi, Datuk Seri Mah Siew Keong dalam ucapannya sempena Majlis Kecemerlangan MPOB yang dibacakan oleh Ketua Setiausaha Kementerian Perusahaan Perladangan dan Komoditi, Datuk K. Yogeessvaran berkata, dengan Revolusi Industri 4.0 cabaran selanjutnya ialah bagaimana kita dapat memanfaatkan kemajuan teknologi dan komunikasi bagi peningkatan prestasi perladangan dan sektor komoditi.

Katanya, selaras Transformasi Nasional 2050 (TN50), industri perladangan perlu memanfaatkan penggunaan teknologi dan rangkaian pembangunan bagi meningkatkan amalan automasi, pengeluaran mampan, peningkatan produktiviti dan kualiti produk.

"Kementerian dan MPOB sedang menggubal pelan transformasi bagi industri

sawit sejajar dengan TN50 bagi memastikan kesinambungan industri sawit yang memberi manfaat kemajuan ekonomi bagi kesejahteraan rakyat dan generasi akan datang pada 2050 dan tahun selepasnya.

Katanya, sejajar dengan perancangan kerajaan untuk meningkatkan kemajuan dan sumbangan industri sawit, keupayaan bidang penyelidikan yang menjana inovasi baharu merupakan strategi penting pembangunan mampan industri sawit yang menjana pendapatan negara dan sumbangan kepada industri sawit global.

"Dalam konteks penyelidikan, MPOB adalah peneraju bidang penyelidikan dalam industri sawit yang berperanan penting menjana kemajuan teknologi dan komunikasi bagi peningkatan prestasi perladangan dan sektor komoditi.

Shingga tahun 2017, MPOB telah menghasilkan lebih 630 teknologi dan inovasi termasuk pembangunan formulasi produk dan perkhidmatan dalam sektor sawit yang ditawarkan untuk pengkomersialan kepada pihak industri dan syarikat tempatan.

"Usaha pengkomersialan teknologi yang dilaksanakan

oleh MPOB meliputi kerjasama penyelidikan dengan pihak industri yang memberi fokus kepada teknologi berorientasikan keperluan pasaran dan kehendak industri, saya yakin kadar pengkomersialan teknologi MPOB akan dapat ditingkatkan.

Katanya, kejayaan pengkomersialan teknologi juga melibatkan komitmen penggiat industri dan sektor swasta untuk memanfaatkan penggunaan teknologi yang dihasilkan oleh penyelidik.

"Kesediaan pihak industri menerima pakai teknologi baharu secara menyeluruh dalam rantaian industri sawit akan menyumbang kepada kecekapan pengeluaran dan peningkatan kualiti minyak sawit dan produk keluarannya.

"Dalam sektor perladangan, amalan mekanisasi dan penggunaan jentera dalam kerja penyelenggaraan ladang dan penuaian buah sawit dapat meningkatkan produktiviti pekerja dan mengurangkan kebergantungan kepada tenaga manusia. Usaha menjana teknologi dan inovasi kejenteraan ladang perlu ditingkatkan bagi meningkatkan mekanisasi ladang.

Beliau menambah, di arena antarabangsa, industri sawit

negara terus berhadapan dengan kempen anti minyak sawit yang dikaitkan dengan isu-isu pemakanan dan keselamatan.

"Sehubungan ini, Kerajaan komited memastikan industri sawit Malaysia dibangunkan secara mampan. Dalam konteks ini, kerajaan telah menetapkan pelaksanaan pensijilan Minyak Sawit Mampam Malaysia (MSPO) yang dilaksanakan secara sukarela pada tahun 2015 akan dilaksanakan secara mandatori pada hujung 2019.

"Pelaksanaan pensijilan MSPO adalah penting bagi memastikan pengeluaran minyak sawit Malaysia secara mampan bagi memperkukuhkan imej minyak sawit negara," katanya.

Pada majlis berkenaan, Datuk K. Yogeessvaran turut menyampaikan anugerah kepada pegawai yang berjaya mencapai kecemerlangan dalam bidang penyelidikan dan pembangunan (R&D) serta perkhidmatan berkaitan industri sawit.

Antara anugerah yang disampaikan ialah Anugerah Medal Emas Penyelidikan MPOB; Anugerah Kecemerlangan Sains Piala Pusingan Ketua Pengarah; Anugerah Sains Cemerlang; Anugerah Sains Harapan dan Anugerah Penerbitan Terbaik Keseluruhan.

## 700 sertai larian 100 tahun industri sawit negara

Oleh Muhammad Asyraf Hussin  
asyrafhussin@mpob.gov.my

**LAHAD DATU:** Kementerian Perusahaan Perladangan dan Komoditi Malaysia (MPIC) dan Lembaga Minyak Sawit Malaysia (MPOB) berjaya menganjurkan Larian 100 Tahun Industri Sawit sempena sambutan ulang tahun 100 tahun penanaman sawit secara komersial (1917-2017).

Larian 100 Tahun Industri Sawit yang dirasmikan Timbalan Menteri Perusahaan Perladangan dan Komoditi, Datuk Datu Nasrun Datu Mansur, di sini, baru-baru ini, diadakan secara bersiri bermula di Lahad Datu, Sabah

dan seterusnya di Putrajaya serta Kuching, Sarawak.

Penganjuran Larian 100 Tahun Industri Sawit (Fun Run) melibatkan jarak sejauh enam kilometer dan menarik perhatian lebih 700 peserta terdiri wakil sektor komoditi, kakitangan jabatan kerajaan dan swasta, pelajar dan orang ramai sekitar Daerah Lahad Datu.

Sebanyak lima kategori dipertandingkan terbahagi kepada Lelaki; Wanita; Veteran Lelaki; Veteran Wanita dan pelajar sekolah menengah yang menawarkan hadiah berupa produk berasaskan sawit seperti minyak sawit merah, minyak masak, barangan elektrik,

medal dan sijil penyertaan kepada pemenang.

Acara sampingan sempena larian ini melibatkan beberapa aktiviti persatuan sukan dan rekreasi Daerah Lahad Datu seperti aktiviti berbasikal, pertandingan bola sepak 9 sebelah, dart dan keusahawanan. Turut diadakan juga aktiviti berswafoto di 'Photobooth' dan juga mini pameran bagi perkongsian maklumat berkaitan industri sawit.

Larian 100 Tahun Industri Sawit diadakan dengan kerjasama Kementerian Belia dan Sukan Negeri Sabah dan Polis Diraja Malaysia (PDRM).

Sempena sambutan 100

Tahun Industri Sawit Malaysia, MPIC dan agensi dibawahnya MPOB, Majlis Minyak Sawit Malaysia (MPOC) dan Majlis Pensijilan Minyak Sawit Malaysia (MPOCC) juga menganjurkan pelbagai program dan aktiviti yang meliputi majlis pelancaran oleh Perdana Menteri Malaysia pada 18 Mei lalu, pengeluaran setem dan syiling peringatan, penerbitan buku bergambar 'Coffee Table Book', dan program publisiti bagi memberi pendedahan meluas industri sawit sebagai tunggak komoditi utama negara yang menyumbang kepada pembangunan ekonomi negara.



**ANTARA peserta yang mengambil bahagian dalam Larian 100 Tahun Industri Sawit di Lahad Datu, Sabah.**